



## **Ullormut oqaluuserisassani ikaarsaariarnermi tulliuuttumut Siunnersuut Inatsisartut Suliariaasiat § 52 malillugu**

Inatsisartut inatsisaat nr. 6 13. maj 1993-immut Naalakkersuisunut ilaasortat akisussaanerat pillugu ersarilluinnarpoq.

*§ 6. Naalakkersuisunut ilaasortaq § 10 naapertorlugu pineqaatissinneqassaaq piaaraluni imaluunniit mianersuaalliorujussuarnermigut Inatsisartut Naalakkersuisullu pillugit Inatsisartut inatsisaat inatsisilluunniit allat malillugit imaluunniit atorfimmi suunera malillugu imminut pisussaaffigisassanngortitaasut malillugit iliunngikkuni.*

*Imm. 2. Imm. 1-imi aalajangersagaq aamma atorneqartassaaq Naalakkersuisunut ilaasortaq eqqunngitsumik paasinerluutaasinnaasumilluunniit inatsisartunut paasissutissiisimappat imaluunniit inatsisartut oqaluuserisassamik oqaluuserinninneranni paasissutissanik oqaluuserisap inatsisartunit aalajangiiffigineqarnissaanut annertuumik pingaaruteqartunik nipangiussisimappat.*

Naalakkersuisut siulittaasuat oqaatigivaa inummut ilanngaata Inersuarmi qaqqinneqartassanngitsut. Tamannali Inatsisartut Inatsisaanni nr. 11, 1. decembari 2021-meersumi ersarissumik allaqqavoq:

*" § 67, imm. 1, imatut oqaasertalerneqarpoq:*

*"Qaammatisiutit malillugit ukioq pineqartoq sioqqullugu ukiup affaani siullermi Inatsisartut ataatsimiinneranni Inatsisartut allatut aalajangiisimannngippata, inummut ilanngaatiq annertussusissaa 48.000 koruuninut aalajangersarneqassaaq.""*

Naalakkersuisut Siulittaasuat taamaassorisamik eqqunngitsumik oqariartuuteqarnera, atorfiullu ataqqinaataanik apeqqusiilersitsinera akuersarneqarsinnaanngilaq.

Qulaani pineqartoq tunuliaqutaralugit siunnersuuteqartariaqarpugut ullormut oqaluuserisassani ikaarsaariarnermut tulliuuttumut Inuutissarsiornermut, Naalakkersuisut Siulittaasuanut peqquteqartumik tatiginnikkunnaarnermik takutitsissalluta isumaqarpugut.